

Szene 1 nach Stärnehimmel

Alle verziehen sich an den Rand (hinten, Seite), um weiterzuspielen

Stimme (Skye) *Sound* Bravo! Du hesch 1544 Loots gwonne ond bisch parat förs nächste Level. *Sound*

Chiara Yeah. Cool. S nächschte Level wird secher no vel krasser... Hm, aber wie chom ech denn jetzt i das nächste Level.

Stimme Im 2. Level erwartet dech noch vel meh Spass. Hesch Loscht druf?

Chiara Jo, secher! Aber wie chom ech denn is nächste Level? Do fählt en «wiiter-Button»!

Stimme Das isch ganz eifach: Lad mindestens ei Fröndin zu MMOG ii. Sobald die registriert isch, isch de Wäg för dech i alli wiitere Level vo MMOG frei zuegänglich.

Chiara Uow, so eifach. Ond ech ha scho gmäint, ech müessi mis ganze Sackgäld deför opfere...

Stimme of was wartisch du no?

Chiara Ok, das mach ech. Oh, aber wer söll ech froge? (schaut sich um). All mini Frönde send jo schon debi... (sieht die Bücherwürmer) Ou die Buechnernds send secher nonig debi. De frogi halt die...

Hey. Was goht ab? Hend ehr Loscht ofenes mega cools Game?

Leila Ond was söll das sii?

Chiara MMOG

Malin Esch das es Brätt- oder Chartespiel?

Chiara Näi, das es s'nöischte ond abfahrendschte Onlinespiel, was get!

Leila no nie devo ghört...

Malin Danke, aber so Spel interessiered mech ned.

Chiara Aber warted. Ech erkär euch's chorz.